



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 45 DE SU 08/03/2023

OGETU: RÈVOCA A S'ASSÒTZIU "CUCCURU IBBA" DE SA CUNTZESSIONI DE SU COMODAU DE IS LOCALIS IN LOC. IS OLIAS.

S' annu 2023, su 08 de su mesi de Martzu a ora de is 12.45, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

### ***Nòmmini e Sangunau***

Beniamino Garau  
Dessì Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
No  
Eja  
Eja  
Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

### Postu chi:

- su Comunu de Cabuderra est titulari de su diritu de proprietadi de s' imòbili chi s'agatat in localidadi Is Olias, chi de primitziu fiat una billeteria;  
- cun deliberatzioni de sa Giunta Comunali n.66 de su 05/05/2022, s'est arricida sa rechesta de sa Cooperativa "Cuccuru Ibba" de parti de su Presidenti *pro tempore* Alessandro Puddu po sa cuntzessioni de imperu a indonu de una parti de s' Edifitziu in localidadi Is Olias (càstia sa planimetria catastali in acàpiu a custa deliberatzioni etotu cun is localis: disimpinnu, intrada, n.3 còmudus e intrada a su còmudu) cun destinatzioni a sedi de s' Assòtziu, po fai atividadis e scoberri su territòriu de monti, cun espertus e ghias turísticas;

Cunsiderau chi apustis de un'annu sa Cooperativa Sotziali "Cuccuru Ibba" no at cumentzau atividadi peruna;

Postu chi tocat a donai diretivas a su Responsàbili de su Setori Patrimòniu po su chi pertocat sa valutatzioni de is cunditionis po cumentzai su protzedimentu de rèvoa de su provedimentu de cuntzessioni;

Apostivigau chi s'imòbili ddu podint imperai assòtzius chi traballant po s'avaloramentu de su territòriu de monti;

Biu su Decretu legislativu de su 03/07/2017, n. 117;

Cun votatzioni a totòmini e a favori;

### DELÌBERAT

De pigai atu chi s' Assòtziu Cooperativa Sotziali "Cuccuru Ibba", chi tenit in cuntzessioni una parti de imòbili in localidadi Is Olias a tìtulu a indonu po duus annus (càstia sa planimetria catastali in acàpiu a custa deliberatzioni etotu cun is localis: disimpinnu, intrada, n.3 còmudus e intrada a su còmudu), no at cumentzau atividadi peruna;

De donai inditus a su Responsàbili de su Setori Patrimòniu po sa rèvoa de su provedimentu de cuntzessioni;

De donai atu ca su Responsàbili de su Setori tenit s'incàrrigu de adotai is atus pertocantis;

De decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---